

*Léif Veräinsmemberen,*

*Dir sidd eng flott Equipe? Dir sidd spontan a sicht eng interessant Aktivitéit fir Äre Veräin? Dann hu mir hei dat richtegt fir Iech !*



*Den ORT Musel luet Är Equipe op eng kulinäresch Wäindegustatioun bei engem Miseler Wënzer an, fir eise gudden Wäin an eis regionalen Produkter besser kennen ze léieren an e puer flott Momenter an eiser schéiner Regioun ze verbréngen.*

*Da Eenzegt wat dir dofir maachen musst, ass den **26. Mee 2018** mat enger Equipe vu mindestens 10 Leit, déi op mannst 18 Joer al sinn an e Führerschäin hunn, als **Volontaire** bei engem flotte regionalen Sport-Event, dem **Schleck Gran Fondo**,*

*matzeschaffen.*

*Dës flott Course féiert d'Sportler och duerch Är Gemeng. Déi ganz Streck fann Dir um Internet ënner [www.schleckgranfondo.com/course](http://www.schleckgranfondo.com/course).*

*All Volontaire ass assuréiert a kritt zousätzlech en offiziellen Gran Fondo T-Shirt an e puer aner Gadjeten, esou wéi fräien Entrée zu der Pasta-Party.*

*Ënner alle Volontaire gëtt dann och nach eng Ballon-Faart fir zwou Persounen mat eisem Ballon LX-BOR vun NewSpirit Balloons verloust.*

*All Volontairen dierfen och dës Summer (de geneeën Datum gëtt nach matgedeelt) un engem flotte gemittlechen Vélostour, zesummen mam Frank Schleck, op der Musel Deel huelen.*

*Zousätzlech Informatiounen fann Dir ënner:*

*[www.visitmoselle.lu/en/what-to-do/schleck-gran-fondo](http://www.visitmoselle.lu/en/what-to-do/schleck-gran-fondo)*



**Also, op wat waart Dir nach?**

*Schéckt bis den 2. Mee 2018 eng Lëscht mam Numm vun Ärem Veräin an all de Leit (**Numm, Virnumm, Gebuertsdatum**) vun der Equipe un den ORT, ([info@visitmoselle.lu](mailto:info@visitmoselle.lu)), a nennt eis wegl. och e Responsabelen vun der Equipe, mat senger **Handynummer** an senger **eMail-Adress**.*